

91652



916520



NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

QUALIFY FOR THE FUTURE WORLD
KIA NOHO TAKATŪ KI TŌ ĀMUA AO!

3

SUPERVISOR'S USE ONLY

Level 3 Te Reo Māori, 2015

91652 Pānui kia mōhio ki te reo Māori o te ao whānui

2.00 p.m. Tuesday 1 December 2015

Credits: Six

Paetae	Kaiaka	Kairangi
Pānui kia mōhio ki te reo Māori o te ao whānui.	Pānui kia mārama ki te reo Māori o te ao whānui.	Pānui kia mātau ki te reo Māori o te ao whānui.

Check that the National Student Number (NSN) on your admission slip is the same as the number at the top of this page.

You should attempt ALL parts of the task in this booklet.

If you need more room for any answer, use the extra space provided at the back of this booklet.

Check that this booklet has pages 2–8 in the correct order and that none of these pages is blank.

YOU MUST HAND THIS BOOKLET TO THE SUPERVISOR AT THE END OF THE EXAMINATION.

TOTAL

ASSESSOR'S USE ONLY

TASK: READING COMPREHENSION

Ngā tohutohu

Āta pānuitia ngā kōrero kātahi whakautua ngā wāhanga katoa o te mahi kei ngā whārangi 4 me te 5. Whakautua ki **te reo Māori anake**.

Te aituā nui o te taiao moana

He motuhake kē tēnei rauemi, e kore e taea te tāruatia. Āta panui i te mātapuna (i panonitia) nei: <http://www.wdrep.com/~m1kha3l/images/2011/11/Rena-bow-aground.jpg>

Nō te 5 o Whiringa-ā-nuku, 2011 i tūtuki te kaipuke *Rena* ki te toka o Te Tau o Ōtāiti, tau ai ki reira. I tīhāe te takere o *Rena*, i maringi te hinu me te para i te moana. Nā te kaha o te para mōrearea i kapia ngā tātahi o Tauranga Moana, i kitea hoki ngā para nei e whakapukepuke ana i ngā takutai whānui o Te Moana a Toi. E ai ki ngā kaimātai pūtaiao, koinei te aituā nui o te taiao kua kitea e te tangata ki roto i a Aotearoa.

I tumeke te hapori whānui o Tauranga Moana ki ngā pānga o te terenga hinu ki a rātou. Nā te paru o te wai i mate ngā ika huhua a Tangaroa. I mate hoki ngā mea o runga i te wai, neke atu i te rua mano ngā manu i hinga. Ka puta mai ngā paitini i te wai, ka raru te oranga o ngā iwi e noho ana ki te taha o te moana. Kāore i roa ka rāhuitia te moana me ngā tātahi o Tauranga Moana. Kāore i whakaaetia kia mahi te tangata i te taha moana, pērā i te kaukau, i te kahi kai moana, i te hī ika anō hoki. He raru nui tēnei ki te iwi Māori i te mea i katia te kāpata kai o te iwi. Heoi anō, i whakakotahi ngā iwi katoa o reira, Māori mai, Tauīwi mai, ki te whakapaipai i ngā takutai. Ka mutu, ahakoa te pai o ngā mahi ki uta, i reira tonu te *Rena* e whakaparu ana i te wāhi tapu o te iwi Māori.

Nō muri mai i te aituā, i whakapāha te kamupene o *Rena* ki te iwi mō tā rātou mahi hē. I kī taurangi rātou ka whakapaipaitia ngā para mōrearea i puta mai i tō rātou kaipuke. I haere te wā, kāore rātou mō te hiki i a *Rena*, ko te nui o te utu te take. I pau i a rātou te 300 miriona tāra ki te whakatika, ā, he 300 miriona tāra anō te utu kia tangohia ngā wāhanga katoa o te kaipuke. Āpiti atu, i tautoko te Kāwanatanga i tā rātou whakatau kia waiho te kaipuke ki reira.

I pukuriri ngā iwi Māori i ēnei whakatau. Ko tā rātou, ahakoa te utu me tango te *Rena* e te kamupene kia tau mai anō ai te mauri ki te Te Tau o Ōtāiti, tō rātou wāhi tapu. E ai ki ngā kōrero tuku iho koirā te wāhi i tau ai a Ngātoroirangi (te tohunga o te waka o Te Arawa) ki te karakia i mua i tana ekenga ki runga i te moutere o Mōtītī. Ki te waiho te kaipuke i reira, e kore rawa e tau te mauri. I te mutunga iho, i hōhā ngā iwi Māori ki te Kāwanatanga i tō rātou kore aro mai ki ō rātou āwangawanga. I whakatakotoria ō rātou nawe ki te Taraipiunara o Waitangi kia whaihua tā rātou tohe e pā ana ki te mauri o Te Tau o Ōtāiti – he toka, he taonga

ki a rātou.

Hei whakakapi i ēnei kōrero, me whai wāhi tātou ki ngā mahi hei tiaki i te taiao. Mā te wānanga i ēnei take ka puta mai te māramatanga kia kaua ō tātou moana, ō tātou whenua e tāhawahawatia. Kia maumahara ko tātou katoa ngā kaitiaki. Mā iti, mā rahi ka ora tonu ai te taiao.”

Kuputaka

aituā	<i>disaster/accident</i>
kaipuke	<i>ship</i>
Te Tau o Ōtāiti	<i>Astrolabe Reef</i>
takere	<i>hull (bottom of a ship)</i>
para mōrearea	<i>pollution</i>
Te Moana a Toi	<i>Bay of Plenty</i>
terenga hinu	<i>oil spill</i>
paitini	<i>toxin</i>
whakapāha	<i>apologise</i>
kī taurangi	<i>promise</i>
nawe	<i>complaint</i>
tāhawahawatia	<i>contaminated/polluted</i>

Āta whakautua ki āu ake kupu ngā pātai e toru e whai ake nei, kia āta kitea atu ai tō mātau ki te tino kaupapa o ia pātai.

(a) He aha i pōuri ai ngā iwi o Tauranga Moana?

(e) Kua aha ngā iwi Māori kia whakatika i tēnei aituā?


(i) Tīkina atu ngā kupu i taua tuhinga rā e taurite ana ki ēnei e whai ake nei.

(i) i whārikihia ō rātou amuamu

(ii) i ohore katoa ngā iwi huhua

(iii) i hono ai ngā tāngata

(o) Me aha tātou kia tiaki pai ai i te taiao?



Extra space if required.
Write the question number(s) if applicable.

ASSESSOR'S
USE ONLY

QUESTION
NUMBER

Lined area for writing answers, starting with a vertical line for 'QUESTION NUMBER'.

**Extra space if required.
Write the question number(s) if applicable.**

**ASSESSOR'S
USE ONLY**

**QUESTION
NUMBER**

91652